


小島洋行圖書			
總發行所			
總 二 五 八 四 號	第 一 冊	四 八 號	九 門 三 部



日本國志



光緒二十四年
浙江
書局重刊

日本國志序

東方諸國足以自立足以有爲者惟中國與日本而已日本創國周秦之間通使於漢修貢於魏而賓服於唐最久亦最親當唐盛時日本雖自帝其國然事大之禮益虔鳴喁嚮風常選子弟入學觀摩取法用能濡濡中國前聖人之化人才文物蓋彬彬焉與高麗新羅百濟諸國殊矣唐季裴亂日本聘使始絕內變繼作馴至判爲南北裂爲羣侯豪俊靡沸雲擾其迭起而執魁柄者則有平氏源氏北條氏足利氏織田氏豐臣氏德川氏七八百年之間國主高拱於上強臣擅命於下凡所謂國政民風邦制朝章往往與時變遷紛紜糅雜莫可究詰中國自元祖誤用降將黷武喪師有明中葉內政不修奸民冒倭人旗幟羣起爲寇遂使日本益藐視中國顓顓獨居東海中芒不知華夏

廣遠一二梟桀者流輒欲馮陵我藩服齟齬我疆圉憫然自大甚驚無道中國拒之亦務如坊制水如垣禦風勿使稍有侵漏由是兩國雖同在一洲情誼乖違音問隔絕近世作者如松龕徐氏默深魏氏於西洋絕遠之國尙能志其崖略獨於日本攷證闕如或稍述之而恟恍疏闊竟不能稽其世系疆域猶似古之所謂三神山者之可望不可至也咸豐同治以來日本迫於外患廓然更張廢羣侯尊一主斥霸府聯邦交百務並修氣象一新慕效西法罔遺餘力雖其改正朔易服色不免爲天下譏笑然富強之機轉移頗捷循是不輟當有可與西國爭衡之勢其創制立法亦頗炳焉可觀且與中國締交遣使睦誼漸敦舊嫌盡釋矣自今以後或因同壤而世爲仇讎有吳越相傾之勢或因同盟而互爲唇齒有吳蜀相援之形時變遞嬗遷流靡定

惟勢所適未敢懸揣然使稽其制而闕焉弗詳覘其政而曹然罔省此究心時務閱覽劬學之士所深恥也嘉應黃遵憲公度以著作才屢佐東西洋使職光緒初年爲出使日本參贊始創日本國志一書未卒業適他調旋謝事閉門賡續成之採書至二百餘種費日力至八九年爲類十二爲卷四十都五十餘萬言歲甲午余蒞英法使事將東歸公度郵致其藁巴黎屬爲之序且曰方今研史例而又諳外國情勢者無逾先生願得一二言以自壯余瀏覽一周喟曰此奇作也數百年來尠有爲之者自古史才難而作志尤難蓋貫穿始末鑒別去取非可率爾爲也而況中東睽隔已久纂輯於通使方始之際乎公度可謂閱覽劬學之士矣速竣剞劂以餉同志不亦盛乎他日者家置一編驗日本之興衰以下公度之言之當否可也

光緒二十年春三月

欽差大臣出使英法義比四國二品頂戴都察院左副都御史
薛福成序於巴黎使館

日本國志敘

周禮小行人之職使適四方以其萬民之利害爲一書禮俗政
事教治刑禁之順逆爲一書以反命於王其春官之外史氏則
掌四方之志鄭氏曰謂若晉之乘楚之檇杙是也古昔盛時已
遣輶軒使者於四方採其歌謠詢其風俗又命小行人編之爲
書俾外史氏掌之所以重邦交考國俗者若此其周詳鄭重也
自封建廢而爲郡縣中國歸於一統不復修遣使列邦之禮若
漢之匈奴唐之回紇國有大事間一遣使若南北朝若遼宋金
元雖歲時通好亦不過一聘問一宴饗而已道咸以來海禁大
開舉從古絕域不通之國皆鱗集麇聚重譯而至泰西通例各
遣國使互駐都會以固鄰好而覘國政內外大臣迭援是以爲
請

朝廷因遣使巡視諸國至

今上光緒元二年間遂有遣使駐劄之舉丙子之秋翰林侍講何公寶膺出使日本大臣之任奏以遵憲充參贊官竊伏自念今之參贊官卽古之小行人外史氏之職也使者捧龍節乘駟馬馳驅執掌王事靡盬蓋有所不暇於文字之末若爲之寮屬者又不從事於採風問俗何以副

朝廷咨諏詢謀之意既居東二年稍稍習其文讀其書與其士大夫交遊遂發凡起例創爲日本國志一書朝夕編輯甫創稿本復奉命充美國總領事官政務靡密無暇卒業蓋幾幾乎中輟矣乙酉之秋由美回華星使鄭公既解任繼之者張公仍促余往而兩廣制府張公又命遵憲爲巡察南洋諸島之行遵憲念是書棄置可惜均謝不往家居有暇乃閉門發篋重事編纂

又幾閱兩載而後書成凡爲類十二爲卷四十昔契丹主有言我於宋國之事纖悉皆知而宋人視我國事如隔十重雲霧以余觀日本士夫類能讀中國之書考中國之事而中國士夫好談古義足已自封於外事不屑措意無論泰西卽日本與我僅隔一衣帶水擊柝相聞朝發可以夕至亦視之若海外三神山可望而不可卽若鄒衍之談九州一似六合之外荒誕不足論議也者可不謂狹隘歟雖然士大夫足迹不至其地歷世紀載又不詳其事安所憑藉以爲考證之資其狹隘也亦無足怪也竊不自揆勒爲一書以其體近於史志輒自稱爲外史氏亦以外史氏職在收掌不敢居述作之名也抑考外史氏掌五帝三王之書掌四方之志今之士夫亦思古人學問考古卽所以通今兩不偏廢如此乎書旣成謹誌其緣起並以質之當世士夫

之留心時務者光緒十三年夏五月黃遵憲公度自敘

凡例

一自儒者以筆削說春秋謂降杞爲子貶荆爲人所以示書法是謬悠之譚也自史臣以內辭尊本國謂北稱索虜南號島夷所以崇國體是狹陋之見也夫史家紀述務從實錄無端取前古之人他國之君而易其名號求之人情奚當於理矧會典所載本非朝貢之班

國書往來待以鄰交之禮者乎此編所書採摭諸史曰皇曰帝概從舊稱

一周禮職方掌天下之圖以知其要而太史公曰吾見周譜旁行斜上故因而作表蓋物非圖則不明事非表則不詳然三國以後六代以前表竟缺如若圖繪之學有爲六經圖者有爲三才圖會者書皆單行不入於史今所撰地理志以圖附志後職

官諸志以表入志中體創自今義因於古以便閱者解帶觸目了然耳

一班固藝文之志陳壽輔臣之贊皆有小註其後蕭大園淮海亂離志羊銜之洛陽伽藍志宋孝王關東風俗傳擴充其體子註愈繁蓋除煩則意有所恡畢載則言有所妨為斯變體不得不然者也今仿其體附以分註其有事同時異而連類並及或繁辭碎義而考證必需者悉為小註附於行間至紀載之外間論得失則仿裴松之之三國志劉昭之續漢志云爾

一此書官名地名事名物名皆以日本為主不假別稱如官有雅馴者亦仍其稱別以小註釋之穀梁傳所謂名從主人也然至於敘述稱謂則以作志者為主不為內辭如稱君長不曰我之類其與中國交涉者蘇洵所謂譜吾作也不敢如葉隆禮事以彼為主稱以我為主

之契丹國志忽內遼而外宋忽外遼而內宋亦不敢如史遷之晉楚諸世家一一稱我也

一此書編年紀月不得不用日本年號惟日本史中國頗少傳本近世如李申耆之紀元篇林樂知之四裔年表雖較詳贍尙多謬誤今別作中東年表著之卷首以便觀者

一日本紀里之法以六尺為一間六十間為一町三十六町為一里每一里有一萬二千九百六十尺當中國八里有奇計畝之法以六尺為一步三十步為一畝十畝為一段十段為一町每一畝為一百八十尺當中國三十六弓日本計錢之法如墨西哥銀一圓為一圓以一圓析十分之一為十錢析百分之一為一錢以一錢析十分之一為一釐每一錢五六當中國銀一分每十錢五六當中國銀一錢日本丈尺之法積十寸為一尺

積十尺爲一丈每一尺一寸七分三當中國一尺每一丈二尺七寸三當中國一丈日本權衡之法積十錢爲一兩積十六兩爲一斤積一百兩爲一貫每百六十二錢四三強當中國一斤每十六貫二四三強當中國一百斤日本概量之法以十撮爲一勺十勺爲一合十合爲一升十升爲一斗十斗爲一石大概同於中國篇中所書皆日本通行之法特識於此以發其凡一志中所載紀數諸表例以三字爲一位例以末位爲單數至卽以最卑之位爲起算之始如末位爲單數其上爲十其上爲百其上爲千其上爲萬累積至九位則爲億十千萬爲億例如計戶口其最卑之位註明口字表中作三三三卽爲三百三十三人又如計銀錢其最卑之位註明圓字表中作三三三三三卽爲三十三萬三千三百三十三圓也又如表中作三〇三〇

三〇卽爲三十萬零三千零三十表中作三三三〇〇〇卽爲三十三萬三千所有圓圍蓋以定位其他依此可以類推間有變例或以末位爲十百千萬之數或以末位爲毫釐絲忽之數均於行間註明以便計算或又變二字爲一位四字爲一位亦旁綴小點以示區別

一日本自維新以來舉凡政令之沿革制度之損益朝令夕改月異而歲不同至明治十一年百度修明規模較定而以時更張者仍復不少今此編悉以明治十三四年爲斷其十五年以後改易新政當付之補編俟諸異日

一日本古無志書近世源光國作大日本史僅成兵刑二志蒲生秀實欲作氏族食貨諸志有志而未就僅有職官一志已刊行新井君美集中有田制貨幣考諸敘亦有目而無書此皆漢文之史而

殘闕不完則考古難維新以來禮儀典章頗彬彬矣然各官省之職制章程條教號令雖頗足徵引而概用和文即日本文以字聯綴而成者也日本每自稱為和國不可勝譯則徵今亦難此採輯之難也以他國之人寓居日淺語言不達應對為煩則詢訪難以外國之地襄助之人瀏覽所及繕錄為勞則抄撮亦難此編纂之難也既非耳目經見之書又多名稱僻異之處而其中事物之名有以和文譯漢文者有以英文譯和文再譯漢文者或同字而異文或有音而無義則校讐亦頗為難兼是三難又乏才學力小任重每自兢兢擱筆仰屋時欲中輟徒以積厯年歲勉朝夕經營拮据幸以成書其中蕪雜之譏疏漏之誚誠知不免瞻仰前修引盼來哲庶有達者理而董之所為每一展卷輒愧悚交集旁皇竟日者矣

一檢昨日之厯以用之今日則妄執古方以藥今病則謬故傑俊貴識時不出戶庭而論天下事則浮坐雲霧而觀人之國則闇故兵家貴知彼日本變法以來革故鼎新舊日政令百不存一今所撰錄皆詳今畧古詳近畧遠凡牽涉西法尤加詳備期適用也若夫大八洲之事三千年之統欲博其事詳其人則有日本諸史在

黃遵憲公度自識

咨文

頭品頂戴賞戴花翎兵部尙書兩廣總督部堂張

爲

咨送事現據一品銜分省補用道前出使日本參贊官黃遵憲稟稱竊遵憲自奉使隨槎在外九載到日本後周咨博訪維新以後如官職國計軍制刑罰諸大政皆摹仿泰西但能詳誌一國之事卽中西五部洲近況皆如指掌竊不自揆創爲日本國志一書凡爲類十二爲卷四十都五十餘萬言其中若職官食貨兵刑各志臚舉新政借端伸論又六萬餘言龜勉經營凡厯八載殺青已竟覆自展閱不遠千里挾書自呈欲得一言以爲定論可否俯賜大咨徑送

總理衙門統候卓裁等情到本部堂據此查該道籍隸廣東嘉應州隨使日本最久於該國情形向稱熟悉又能留心時

日本國志 卷八
事搜訪纂輯遂有成書詳閱所呈日本國志條例精詳綱目
備舉寄意深遠致功甚勤且於外洋各國風俗政事俱能會
通參考具見究心時務查光緒甲申年

貴衙門所刊姚文棟日本地理兵要所載兵籍於陸軍但存
兵數海軍存艦名而已視黃志通敘兵制詳略相去奚啻什
伯惟衛鎮各軍額數彼此不同按黃志稱以明治十四年爲
斷地理兵要刻於甲申爲時較後當是日本新定之額宜以
姚書爲正維新以後廢藩國爲府縣然其國輿地紀載習知
舊制山川形勝仍用道國爲主黃姚所述大略相同黃志別
爲府縣沿革表以著日本近制爲姚書所缺但姚例謂日本
形勢在海故於該國濱海灣島搜列甚詳亦爲地學之一體
二書皆有用之作惟詳備精覈則姚不如黃實爲出使日本

者必不可少之書自應代爲咨呈以備查核又據該員稟稱
此書別無副本道遠郵寄或致遺失請卽給咨聲明其書由
該員自行齎呈等情除飭該員將書自行呈遞外爲此咨呈
貴衙門謹請察照核辦施行須至咨呈者

稟批

欽差大臣太子太傅文華殿大學士直隸總督部堂一等肅毅伯李批
該道所著日本國志四十卷本大臣詳加披覽敘述具有條
理如職官食貨兵刑學術工藝諸志博稽深考於彼國政法
從西原委訂證尤爲賅備意在於酌古之中爲匡時之具故
自抒心得議論恢奇深協覘國采風之旨雖日本摹仿泰西
僅得形似未必誌一國而能賅五部洲之形勢然於東瀛政
教圖經言之鑿鑿如在目中亦有志之士矣應如所請卽由
本大臣備咨並原書兩函驛寄

總理各國事務衙門備覽明隆慶間黃少詹洪憲奉使朝鮮
觀其先世實紀歸作朝鮮國記今此書詳贍過之洵足與前
賢頡頏也繳

日本國志目錄

卷首

中東年表

卷第一

國統志一

卷第二

國統志二

卷第三

國統志三

卷第四

鄰交志上一
華夏

卷第五

鄰交志上二 華夏

卷第六

鄰交志上三 華夏

卷第七

鄰交志下一 泰西

卷第八

鄰交志下二 泰西

卷第九

天文志

卷第十

地理志一

卷第十一

地理志二

卷第十二

地理志三

卷第十三

職官志一

卷第十四

職官志二

卷第十五

食貨志一 戶口

卷第十六

食貨志二 租稅

卷第十七

食貨志三 國用

卷第十八

食貨志四 國債

卷第十九

食貨志五 貨幣

卷第二十

食貨志六 商務

卷第二十一

兵志一 兵制

卷第二十二

兵志二 陸軍

卷第二十三

兵志三 陸軍

卷第二十四

兵志四 陸軍

卷第二十五

兵志五 海軍

卷第二十六

兵志六 海軍

卷第二十七

刑法志一

卷第二十八

刑法志二

卷第二十九

刑法志三

卷第三十

刑法志四

卷第三十一

刑法志五

卷第三十二

學術志一 漢學 西學

卷第三十三

學術志二 文字 學制

卷第三十四

禮俗志一 朝會 祭祀 婚娶 喪葬

卷第三十五

禮俗志二 服飾 飲食 居處 歲時

卷第三十六

禮俗志三 樂舞 遊藝

卷第三十七

禮俗志四 神道 佛教 氏族 社會

卷第三十八

物產志一

卷第三十九

物產志二

卷第四十

工藝志

日本國志總目

第一國統志 凡三卷

第二鄰交志 凡五卷

第三天文志 凡一卷

第四地理志 凡三卷

第五職官志 凡二卷

第六食貨志 凡六卷

第七兵志 凡六卷

第八刑法志 凡五卷

第九學術志 凡二卷

第十禮俗志 凡四卷

第十一物產志 凡二卷

凡一卷

共十二志凡四十卷

[illegible]

卷之首

出使日本參贊官黃遵憲編纂

考日本諸史均託始神武近倣西人以耶蘇降
生紀元之例又以神武卽位之元年辛酉爲紀

元之始至今皇明治五年壬申稱爲二千五百三十二年爾後凡外交條約內國政典每冠以是稱惟考神武在位七十六年遞傳八世而至崇神日綏靖在位三十三年日安甯在位三十八年日懿德在位三十四年日孝昭在位八十三年日孝安在位一百二年日孝靈在位七十六年日孝元在位五十七年日開化在位六十年凡四百八十餘年均無事兄述今故以崇神紀元爲始而仍以神武之元年紀諸篇首云

辛酉 周
惠王

甲申 漢
自神武元年 孝武皇帝

乙酉 漢

西成漢

太始三年

十七年
神武帝

至崇禎元年
共五百六十

崇神帝

九如元金

三

四年

戊子
漢元

己丑四年
漢

庚寅
漢

辛卯 漢

壬辰
漢

癸巳
漢

太始四年

征和元年

征和二年

征和三年

征和四年

後元元年

五年

六年

七年

八年

九年

十年